

საქმეს კატასტროფამდე ნუ მივიყვანთ

სსრ კავშირის საფეხბურთო ჩემპიონატის XI ტურში, რომელიც 22 მაისს შედგა, თბილისის „დინამო“ სტუმრად ითამაშა ოდესაში. „ჩერნომორეცი“, თავისთავად, ისეთი სიძლიერის მეტოქე არ არის, რომ მასთან შეხვედრა, გნებავთ, სტუმრადაც, რალაც განსაკუთრებულ სიძნელეებთან იყოს დაკავშირებული. რიგითი, ორდინარული მატჩია. „ჩერნომორეცი“ მხოლოდ წლევუს დაუბრუნდა უმაღლეს ლიგას. მას უწინაც არა ჰქონია რამდენადმე მაინც მნიშვნელოვანი წარმატებები (მაქსიმუმი – მესამე ადგილი 1974 წელს), უმაღლეს ლიგაში თამაში ამ გუნდისთვის უკვე მიღწევაა და მისი უმთავრესი ამოცანაც წლიდან წლამდე ეგაა: დაჯავშნული ადგილი ჰქონდეს საკავშირო ჩემპიონატის 16 მონაწილეს შორის. ამიტომაცაა, რომ ჩვენი ქვეყნის ძლიერი გუნდები ოდესელებთან მატჩებს, შინ თუ სტუმრად, გადაულახავ სიძნელედ არ მიიჩნევენ და, ჩვეულებრივ, მოგების იმედით სტუმრობენ ოდესას.

აღბათ, ასე უნდა მოქცეულიყო თბილისის „დინამოც“ და მისი ამოცანა მით უფრო კონკრეტული იყო, რომ „ჩერნომორეცი“ და თბილისის „დინამო“ XI ტურისთვის გათამაშების ცხრილის ახლო მეზობლობაში იმყოფებოდნენ: ოდესელებს 10 ქულა ჰქონდათ, თბილისელებს – 8. მოიგეს ეს თამაში და მდგომარეობაც საგრძნობლად გამოსწორდება.

მაგრამ მოგებას ცოდნა უნდა, გამარჯვებას ესაჭიროება სპორტული სიძლიერე, უნარი, მონდომება, ნებისყოფის მობილიზება, საბრძოლო განწყობა და თავგანწირული თამაში. ეტყობა, არც ერთი ეს თვისება თბილისის „დინამოს“ სადღეისოდ არ გააჩნია, ჩვენი გუნდი იმდენად დაძაბუნდა, რომ ოდესაში გამარჯვება უაღრესად საპასუხისმგებლო მატჩში მისთვის მიუწვდენელ ოცნებად იქცა. როგორი ოპონენტებიც არ უნდა გამოგვიჩნდნენ ჩვენ, თბილისის „დინამოს“ გულშემატკივრებს, რამდენიც არ უნდა გველაპარაკონ შექმნილ კონიუნქტურულ ვითარებებზე, უცილო, მეტად სავალალო ფატი ისაა, რომ თბილისის „დინამოს“ კვლავ და კვლავ უხდება ზრუნვა უმაღლეს ლიგაში ადგილის შენარჩუნებაზე, სხვა პერსპექტივები, სხვა რამდენადმე მაინც რეალური მიზნები მას ჯერჯერობით აუტსაიდერთა რიგებში. ახლა ჩვენი უმთავრესი მეტოქეები სწორედ ჩამორჩენილნი არიან და მათთან ურთიერთობაში უნდა გადაეჭრათ ოდესლაც განთქმული გუნდის უმაღლეს ლიგაში დარჩენის ამოცანები.

ვითარება ფრიალ საჩოთიროა, ჩვენი გუნდი კვლავ კატასტროფის წინაშე იმყოფება და სწორედ დინამოელთა ხელმძღვანელებმა, გუნდის თითოეულმა ფეხბურთელმა მიზნად უნდა ის დაისახოს, რომ შეძლოს უძლიერესთა რიგებში ადგილის დამკვიდრება. ასეა საქმე სადღეისოდ, სხვა პერსპექტივები ჯერ არ ჩანს.

ენ ავის მოუბრუნდება თქვას, თბილისის „დინამოს“ თამაშით კმაყოფილი ვართო. და მით უფრო გასაკვირია, როცა დინამოელთა ხელმძღვანელის ერთ-ერთ ინტერვიუში ვკითხულობთ: ჩვენს კოლექტივში ნორმალური ვითარება სუფევს, წაგებებმა ვერ აგვაცდინა კალაპოტს, ვერ გამოიწვია პანიკის გრძნობა. ყველას შეგნებული გვაქვს რა პასუხისმგებლობა გვანევს და ვცდილობთ გავამართლოთ გულშემატკივართა იმედები. ენერგიულად ვემზადებით, ინტენსიურად ვვარჯიშობთ, ჩვენი საშუალო დღიური დატვირთვა დღეში 6,5 კილომეტრს უდრის (?!), ვვარჯიშობთ წყვილებად, ოთხეულებად, ჯგუფურად, ვხვეწთ ტექნიკურ ილიეთებს და ა.შ. ერთი

სიტყვით, ბიჭები ცდილობენ, პრეტენზიები მათ მიმართ მეცადინეობის პროცესში არა გვაქვს.

გასაოცარია! განა ვარჯიშებით და სანჯრთნელი ნორმების დოზირებით ხდება ფეხბურთელთა კლასის შეფასება? მწვრთნელებს, თურმე, პრეტენზიები არა ჰქონიათ დინამოელთა მიმართ, ჩვენ კი, გულშემატკივრებს, პრეტენზიები საკმარისზე მეტი გვაქვს და ეს პრეტენზიები სამართლიანი და ყოველმხრივ დასაბუთებულია. ეჭვი არ გვეპარება, მათ მხარს დაუჭერს ყველა, ვინც კი დაინტერესებულია თბილისის „დინამოს“ ბედ-იბლით, ვისაც საქართველოს პირველი საფეხბურთო კოლექტივის ანმყო და მომავალი თავის სისხლხორცეულ საქმედ მიაჩნია.

ასე არ შეიძლება გაგრძელდეს! ხვალ თუ არა ზეგ თბილისის „დინამო“ საკავშირო ჩემპიონატის ცხრილში ბოლო ადგილზე ჩამოქვეითდება, პერსპექტივაში კი პირველი ლიგაა და თუ ჩვენი საფეხბურთო საქმეები სამერმისოდაც ასე უკუღმართად წარიმართა, საერთოდ დავკარგავთ დიდ ფეხბურთში მოპოვებულ ათეული წლებით დამკვიდრებულ ტრადიციებს, მერე, ვინ იცის, ხელახლა როდისღა მივაღწევთ ძველ სიმაღლეებს.

თბილისის „დინამოს“ მთავარმა მწვრთნელმა გერმან ზონინმა იმავე ინტერვიუში განაცხადა: „ჩვენი ბიჭები დიდად ცდილობენ, მაგრამ საქმე ისაა, რომ მათ ვერა და ვერ ისწავლეს ზუსტად, უშეცდომოდ თავის დაცვა, შეტევის დროს თავი დააღწიონ მეტოქის მიერვეობას, ითამაშონ უნარიანად, ტაქტიკურად გამართულად. ეტყობა, ჩვენს ახალგაზრდა ფეხბურთელებს ჯერ კიდევ არ გააჩნიათ სათანადო გამოცდილება“.

საინტერესოა: მცველებს ჯერ არ აუთვისებიათ ზუსტი, უშეცდომო თამაში, შეტევა პერსპექტიული არაა, ხელმძღვანელს კი მიაჩნია, რომ გუნდში ნორმალური ვითარებაა, გაუთავებელ წაგებებს, თურმე, პანიკის გრძობა არ გამოუწვევია და ყველა კეთილსინდისიერად ცდილობს გაამართლოს გულშემატკივართა იმედები?!

ჩვენ კი ასე გვგონია, რომ კარგად წარმოებული სასწავლო ვარჯიშები და სანჯრთნელი პროცესი სწორედ მაშინ უნდა იწვევდეს კმაყოფილების გრძობას მწვრთნელში, როცა ყველაფერი ეს უმნიშვნელოვანეს კალენდარულ მატჩებში პოულობს შესაფერის ასახვას, თორემ მარტოოდენ წვრთნაზე გამოჩენილი მონდომება ჩემპიონატის მატჩებში დამარცხებებს რას შველის?

არც ის არგუმენტი გვეჩვენება დამაჯერებლად, რომ ზოგიერთი ფეხბურთელს ტრავმა აქვს. დანაკლისის გარეშე, რამდენადაც ვიცით, არც ერთი გუნდი არ თამაშობს, მაგრამ ყველა პოულობს სათანადო შემცვლელებს ისე, რომ თამაშის დონე არ დააქვეითოს. გავიხსენოთ, თუნდაც, მოსკოვის „სპარტაკთან“ ჩვენი ამასწინდელი მატჩი, რომელიც დიდი ანგარიშით წაგავთ. ვინ გამოდიოდა სპარტაკელთა რიგებში? მინდორზე იყვნენ დასაფევი, ხილიატულინი, ბუბნოვი, ჩერენკოვი და როდიონოვი. ეს საყოველთაოდ ცნობილი, გამოცდილი ოსტატებია, მაგრამ ამავე დროს სპარტაკელთა რიგებში გამოდიოდნენ სუროვი, კაპუსტინი, მოსტოვი, შალიმოვი, ივანოვი და შმროვი. ესენი სწორედ ახლა დგამენ დიდ ფეხბურთში პირველ ნაბიჯებს და როგორც ხედავთ – წარმატებითაც. ამგვარი მაგალითები ჩვენი უმაღლესი ლიგის სხვა გუნდებშიც საკმარისადაა. თბილისის „დინამოშიც“ გვყავს ნიჭიერი ახალგაზრდები, მაგრამ, როგორც ჩანს, მათ ჯერჯერობით ვერ ვასწავლეთ ფეხბურთის რიგიანი თამაში. სისტემატურად ვაგებთ მეტოქეთა მინდვრებზე, ვმარცხდებით შინაც, თუმცა, ჩვენი სტადიონის ტრიბუნებიდან დინამოელ ფეხბურთელებს თავგამოდებით უჭერენ მხარს,

ქომაგობაში ჩვენი ფეხბურთელები ვერ დაგვემდურებიან. არც სტვენა, არც ლანძღვა ჯერ არ ისმის „დინამოს“ სტადიონზე.

წინა მატჩების მიმოხილვებში რამდენიმეჯერ აღვნიშნეთ, რომ დინამოელებს მონდომება არ აკლიათ, მაგრამ ტექნიკური და ტაქტიკური ხასიათის ხარვეზების გამო ვერ აჩვენებენ გამართულ თამაშს. ახლა კი ის შეგვიძლია დავუმატოთ, რომ მოთამაშეთა ამ ენერჯიამ და თავგამოდებამაც მკვეთრად მოიკლო, ამის გამო ჩვენი გუნდი სრულიად დემორალიზებული იყო მოსკოვის „სპარტაკთან“ შეხვედრაში, მერვე, ოდესის სტადიონზე, ყოვლად მდარე, უნებისყოფო დაბალი კვალიფიკაციის, უმწეო თამაში აჩვენა. რადიო და ტელევიზიის რეპორტაჟებით კომპეტენტურ დასკვნებს ვერ გამოიტან, მაგრამ გუშინ რომ ტელევიზიით ვიხილეთ „ჩერნომორეცთან“ ჩატარებული მატჩის მეორე ტაიმი, ორი აზრი არ შეიძლება ვინმეს ჰქონდეს: თბილისის „დინამო“ მინდორზე გამოიყურებოდა საშუალოზე საგრძობლად დაბალი კვალიფიკაციისა და მომზადების გუნდად, მეტოქის კართან თითქმის არ შექმნილა რამდენადმე მაინც რეალური ხიფათი, ჩვენმა ნაქებმა „დინამომ“ სავსებით კანონზომიერად ჩათვალა ოდესეღოთა გამრჯება და დამარცხებასთან შერიგებულმა დატოვა მინდორი.

გამოდის, რომ სადღეისოდ ჩვენ არა გვყავს უმაღლესი ლიგის შესაფერისი საფეხბურთო გუნდი! თამაშის კლასის სრული დეგრადაციის მონმენი ვართ და რაც უფრო დრო გადის, საქმეც სულ უფრო უარესად და უარესად გვაქვს. ოდესაში ჯერ კიდევ თამაშის პირველ ნუთზე ბურთი გაიტანა პროცოკმა, 57-ე ნუთზე მეკარე ჭანტურას კარი მეორედ აიღო კუზნეცოვმა და ორივე ეს გოლი მკველთა მიუტევებელი შეცდომების პირდაპირი ნაყოფი იყო. „ჩერნომორეცის“ მეკარე გრიშკოს სულ უმნიშვნელო დატვირთვაც არა ჰქონია, ყველაფერი გადაწყდა შუა მინდორში და თბილისის „დინამოს“ კართან.

თბილისის „დინამოს“ ცალკეული რგოლები ამჟამად უმაღლესი ლიგის მინიმალურ მოთხოვნებსაც ვერ პასუხობს: შეცდომები ნორმად იქცა, ნახევარმკველები შუა მინდორში სრული ტაქტიკური ქაოსის ტყვეობაში იმყოფებიან, რაც შეეხება შეტევას, კარგად ხედავთ, გურულის მიერ გატანილი 11-მეტრიანი რომ არა, ჩვენი თავდასხმის შედეგიანობა ოდნავადაც არ აკმაყოფილებს მინიმალურ მოთხოვნებს.

თბილისის „დინამოს“ ბედი ყველას გვანუხებს. რედაქციაში მრავლად მოდის გულისწყრომის გამოხატველი წერილები, ვინ არ გვწერს: ვეტერანი და პენსიონერი, დიასახლისი და პენსიონერი, სტაჟიანი თუ უსტაჟო გულშემატკივარი, მაგრამ მთელ ამ ზღვა ფოსტაში ვერ ნახავთ ფეხბურთის სპეციალისტის, მწვრთნელის, ყოფილი ფეხბურთელის და, საერთოდ, გამოცდილი, საქმის მცოდნე ადამიანის ვერც ერთ სიტყვას. განა შეიძლება გუნდის მთელი საზრუნავი და თავსატეხი ამბები მარტო გულშემატკივრებს შევატოვოთ ხელში და კვალიფიციურმა სპეციალისტებმა, ფეხბურთის სამმართველოს თუ ფედერაციის მუშაკებმა, ავტორიტეტულმა პირებმა წყალი დაიგუბონ პირში?

თბილისის „დინამოს“ შველა სჭირდება, ეს მაშველი რეზერვები კი უშუალოდ გუნდის ხელმძღვანელების გარდა უნდა ჩვენს პროფესიონალ ფეხბურთის სპეციალისტთა შორისაც ვეძიოთ! თბილისის „დინამოს“ ესაჭიროება პერსპექტიული ძალები, ესაჭიროება საქმიანი რჩევა და დარიგება, ჩვენი გუნდი თამამად უნდა გამოვიდეს ჩაკეტილი კედლებიდან, წარსდგეს ფართო სპორტული

საზოგადოებრიობის წინაშე, ურთულესი პრობლემები უნდა გადაიჭრას ერთობლივად, მთელი რესპუბლიკის საფეხბურთო რესურსების ერთიანი მონაწილეობით.

საკავშირო ჩემპიონატში 26 ივნისამდე შესვენებაა, ამ ანტრაქტში თბილისის „დინამო“ მონაწილეობას მიიღებს სსრ კავშირის ფეხბურთის ფედერაციის თასის გათამაშების მატჩებში, მწვრთნელებს სწორედ ახლა აქვთ შესაძლებლობა დაადგინონ ძირითადი სტაბილური შემადგენლობა, ფეხბურთელები მოამზადონ არა საქართველოს პირველობის მეორე ჯგუფის გუნდთან, არამედ გამოცდილ, ძლიერ მეტოქეებთან. ეს უნდა შევძლოთ ამ უახლოესი ერთი თვის მანძილზე, საჭიროა საქმის ამთავითვე ვუშველოთ, ნაცოფიერად, მაქსიმალურად გამოვიყენოთ 26 ივნისამდე დარჩენილი დრო.

„ლელოს“ ფეხბურთის განყოფილება

ლელო 24.05.88